

ils ont moyen de vous assister en vos necessitez corporelles, & esleuer de vos enfans dans leurs maisons lorsqu'ils * seront basties, ce que nous n'auons pû faire nous autres, à cause de nostre pauureté, & que nous ne viuons que d'aumosnes qui nous sont escharfement données par les François, desquelles si nous vous faisons part ils ne sont pas contans, comme l'auiez pû apercevoir, ny mesme des choses qui nous font besoin.

560 || Il leur fist encor plusieurs autres discours, touchant la gloire des bien-heureux & les tourmens des damnez; & sur la fin il leur recita les Commandemens de Dieu qu'ils comprirent fort bien, mais quand il vint au fixiesme commandement *Non mecaberis*, la plupart se prirent à rire, disans que cela ne se pouuoit obseruer; mais d'autres plus sages leur respondirent: les Peres l'obseruent bien, car ils n'ont point de femmes & n'en veulent point auoir, pourquoy non nous autres?

A la fin du discours un des Capitaines nommé Chimeourinion, prist la parole & dit: Il est vray que nous n'auons point d'esprit, de voir que depuis douze Hyuers que tu es icy, & que tu nous as tant de fois parlé du chemin du Ciel & de te donner de nos enfans, pour estre nourris & instruits (ils mettent tousiours la nourriture auant l'instruction,) en ta Religion & en tes ceremonies, nous ne t'en auons encor point voulu donner que fort rarement, en partie à cause de ta pauureté, & auons negligé nostre instruction & le bien que tu nous procurois, ne pensans pas qu'il nous fust necessaire.

Tu monstre bien que tu nous ayme grandement,